

三峽通志

三峽通志小引

秭歸峽中故郢也西北抵夔關為水驛
者四東南下夷陵為水驛者二總之蓋
五百里而近自昔所稱三峽險奇諸境
囊括於中矣己丑歲余量移此州日上
府受事多苦後期常冒險下峽歲不啻
七八徃今且二歲矣於艤舫黃陵諸名

灘固目習而心安之直平平耳巫峽半
出碛境然以勾當施州道巫山以歸嘗
泝流往游者一如宋大夫所賦高唐杜
少陵詩所詠神女峰娟妙者蓋已獵其
大都矣獨夔峽遠在上游無繇一至以
稍寓目于西瀼灩澦之間而州鮮藏書
家即求古峽中記以供卧游未能也於

是出所携一統志楚蜀通志旁取荆夔
諸郡邑誌會而粹之首夔峽其次巫峽
歸峽又次之雖山川並列而於灘沱獨
致詳焉重志峽也文自宋大夫而下詩
自魏晉而下彙編臚列雅俗具陳凡事
與人之有係于斯地者亦附著焉總五
卷題曰三峽通誌刻之郡齋以延

廣同好云然末學竅啓聞見有涯俗吏
蓬心賞鑒無適必多掛漏龐雜之弊廣
增痛訂尚有俟於博雅君子焉會是歲
當上計大都行且求必得峽中記為稍
質補之也刻成因識數語於篇端

萬曆辛卯秋七月既望豫章吳守忠謹識

三峽通志卷之一

高安吳守忠編輯

黃岡盧國禎校次

三峽異同

盛弘之荊州記三峽七百里中兩岸連山畧
無闕處重岩疊嶂隱天蔽日自非亭午及夜
分不見日月

杜脩可曰峽程記云三峽謂明月峽巫山峽
廣澤峽其瞿唐滪瀨之類不係三峽數

朱肇記三峽謂西陵峽巫峽歸峽也當以此為正

三峽中額設公署衛所

峽中為府者一夔州府為州者二夷陵州歸
州為縣者七奉節縣巫山縣建始縣大寧縣
巴東縣興山縣長陽縣為巡檢司者三歸州
牛口巡檢司南邏巡檢司夷陵州南津關巡
檢司為水驛者八永寧驛高唐驛萬流驛
巴山驛建平驛今改屈溪驛今廢黃牛驛鳳棲驛
為遞運所者三夔州府遞運所歸州遞運所

夷陵遠運所為軍衛者二瞿唐衛施州衛為所者二長寧守禦千戶所夷陵守禦千戶所

夔峽考 即西陵峽

夔州府

白帝城

府治東公孫述據蜀自稱白帝因以名城

魚復浦

府治東南溪魚復縣以此得名

八陣磧

府城南其陣聚細石為之各高五尺皆布列相當中間相去九尺正中開南北巷悉方廣五尺

各六十四聚或為人散亂及為夏水所沒水退復如故又有二十四聚作兩層其後每層各十二聚晉桓溫伐

蜀經之以為

常山蛇勢

瞿門關

丞相廟

府治八陣基下

三峽堂

府治東瞿唐關內宋肇有記

鐵鎖

白帝城下崖穴中宋景定五年守將徐宗武置以欄江計七條二百七十七丈五尺五十一股

白鹽山

府東十里崖壁高峻色如白鹽張琬書赤甲白鹽四大字於上與赤甲山夾江對峙蜀之

紫幘
也
聖姥泉

瞿唐峽

府東十三里舊名西陵峽峽兩崖對峙中貫大江全蜀之門戶也瞿者大也唐水所聚也又云

瞿者渠也秋冬水落為瞿
唐者塘也春夏水溢為唐

粉壁堂

峽口白鹽山下古人磨崖刻石於上以粉塗之有天子萬年四大字元人趙惠有中興頌

孟良梯

瞿唐峽上與粉壁相連孟良欲夜過閑鑿石架木為梯形迹猶存

白帝山

府東十三里孤峙峭絕公孫述據蜀井中有白龍出因稱白帝山亦以名

清涼洞

府東十三里
在瞿唐上

灩澦堆

屹立瞿唐峽口中流之砥柱也按水經云白帝城

西有孤石冬出水二十餘丈夏即沒秋時方出諺云灩澦大如象瞿唐不可上灩澦伏如馬瞿唐不可下峽人以此為水候

鐵柱

瞿唐峽口石盤上鐵柱二根高六尺四寸夏秋水沒冬春復見

赤甲山

在府東十五里不生草木土石皆赤如人袒背故曰赤甲或云漢時曾取巴人為赤甲軍因名上有孤

城相傳公孫述築類要謂即古魚復縣基

旗臺

赤甲山畔臺址猶存

兵書匣

瞿唐峽中赤甲山下岩穴間露一匣甚高峻不可升相傳上古之兵書或云魯班之風箱也

鐵鎖關

瞿唐峽中赤甲山下

百年關

府東十五里魏辛毗云夔州百年關兵馬不可越

黃嶽

府東二十里在瞿唐峽比夏秋水大舟不可冒險而行

龍脊

府東岷江中有石長百丈若龍脊夏沒冬見

虎鬚

府東三十里唐杜甫詩瞿唐漫天虎鬚愁

黑石

府東三十里水漲不可行諺曰黑石頂黑石下井言險當戒也

茶槽

鬼門關

府東三十里宋黃山谷謫官於涪經行有詩云鬼門關外莫言遠即此處也

大溪口

在巫山縣西八十里澗水與岷江水會於溪口

泗滾

在巫山縣西五十里澗水橫通大江因名口滾西山相峙一名錯開峽相傳禹命將治汪而將誤鑿禹戮之

下馬灘

在巫山縣西二十里夏秋水溢冬水落溪石峻岩舟人至此皆恐懼焉蘇子云赤溪洞口水聲潺潺

即此灘也

通冬岩

在巫山縣西二十里夏秋
水滿不見至冬水落見之

巫峽考

巫山縣

陽臺山

縣北高百丈上有陽臺遺址

望江亭

留石

縣西高唐驛前古云留石以爲瞿唐莫下留石似象
瞿唐莫上與澗瀨石同舟人以此爲水候要驗

高唐

館志載巫山縣城西絕頂
之上系王賦高唐即此

暖水渦

縣南水落乃見微
久水暖漸衣極常

卧鬼石

寧河
東渡

焦石岩

縣東半里鎖
大寧河

孔子泉

縣東半里說者謂早而祈則應泉旁之民雖童子
亦能書王十朋集詩畧云巫山亦有泉可飲仍可

衍泉旁人幾家聰慧多奇兒
父母倘加教聖門皆可歸

古楚宮

縣東北二里女觀山西野小山頂上楚襄王所
遊之地宋黃庭堅石刻所謂細腰宮是也

一百八盤

縣南隔江蓋
施州正路

驅熊山

縣東二十里下有石灘四
李端急如熊聲一名熊王候

橫石山

縣東十里有巨石
於江濱一名錦屏

跳石灘

縣東南十五里舊傳江北山頂
巨石跳落南崖其灘至今吟聲

清水洞

志不載按入蜀記
亭在十二峯上

十二峰

山曰望霞翠昇朝雲松嶺集仙聚鶴淨壇上泉起
雲騰鳳登龍聖泉沿青尾一百六十里唐沈亞之

詩見
后

巫峽

縣東三十里即巫山也水經云杜宇所鑿以通江水而經云此山常抗峰峴我信前儒微凝結翼附並出青雲

神女廟

縣東三十里舊傳楚襄王遊於高唐夢一婦人云我帝之女名瑤姬未行而亡封於巫山之臺及

去曰妾在巫山之陽高丘之岵朝為行云暮為行雨此且視之如其言遂立廟焉曰朝雲謫使神女賦云襄王遊雲雨之浦使宗王賦高唐之事其夜與神女遇唐李義山詩一自高唐賦成後楚天雲雨盡堪疑宋吳開言詩惻惻王娥事不平當時一夢是塵成只區宋公閑晉叻源盡巴江洗不清

青石

縣東南三十里與十二峰相對

寒山

縣東五十里垂厓千仞絕壁萬丈其勢萬寒朔州記云寒山九坂最為險峻

黃志城

縣東六十里近鶯鶯池皮石縣東六十里

臘甲厓

縣東六十五里有武安王廟有泉一泓謂其至此無水投刀刺地泉水湧出溪在廟西厓在廟北王

十朋詩得勝名尚蜀虎臣氣吞吳魏失防
月磨刀晒中遺踪在英鬼猶能敵萬人

得勝關

縣東六十五里下有二溪河宋詩
關羽旌旗何處去空留英氣照滄波

三分泉

夫子洞

萬流溪

縣東一百五十里自施州界
流至此合大江名萬流即

向王洞

巴東縣西
四十里

東奔峽

巴東縣北三十里孤峰
絕壁屬江奔流如馬奔

門扇峽

巴東縣西三十里兩岸峭壁如
門秋夏水溢甚險每行危之

雲沱

巴東縣
西十里

萬戶沱

巴東縣西十里古置萬戶侯此故名杜浦詩
云漢東漢西一萬家江南江北春多花

龍昌洞

驛子沱

巴東縣西四里上有一石
如驛背向江中水急今平之

歸峽

歸州巴東縣

冠萊公祠

縣治西旧在江北旧縣內祠有二極民以此并崇本朝健建於此公安縣亦有公祠

秋風亭

將大江左冠準建

白雲亭

縣治東縣令冠準建

向王城

志不載惟有向王山志載在巴東縣北未知是否

破石峽

縣東五里有石如刀劈破清水灘

龍渦沱

縣東五里水清微深不可測相傳靈物所潛有向王遺蹟

苟使沱

縣東十里

香爐灘

縣東十里

八斗灘

縣東十五里有一名八上下

橫梁灘

縣東二十里有石橫巨水中舟行沂流而上每難之

石門灘

縣東三十里有巨湍高丈舟行不慎多覆舟

滑石灘

州西北七十里

拽灘

州西北三十里以灘雷鳴洞

又名西二里舟行至此多覆舟又名人鮓龜黃庭堅詩命

輕人鮓龜頭舡此灘之中駭浪激石声如雷鳴

蓮花灘

烏石

州對面大

楚沱

州西三里

楚王井

楚王臺

翰林亭

屈原祠

州東一名清烈公廟原有賢姊名婁開原故逐亦來歸喻自寬全鄉人冀其見從因名曰

婁歸后立女婁廟于原之故宅

丹陽城

州東北枕大江即今俗傳所謂古越州是也

在舊南越關城跡遺存元和志周成王封熊

釋于荆丹陽之地即此
后又移枝江亦曰丹陽南邏溪六里

鐵肝心石

州東江心狀如肝俗傳以
屈原諫楚自沉心如鐵石

香溪口

州東十里舊傳王昭君入掖庭經
此遺紗囊異香經宿不散故名

玉虛洞

州城東北唐天寶中有人遇白鹿于此薄而
窺之有洞可容千人石壁異文成龍虎花木

之狀有石乳結成物
象皆溫潤如玉故名

白狗峽

州東一十五里西崖如削白石隱起如狗狀
杜甫詩曰白狗斜臨北黃牛更在東又松溪

詩雲穿白狗峽
春蕩赤魚泉

鐵棺峽

在歸州白狗峽東其地亦名鐵棺峽唐將軍
王果為雅州刺史舟經三峽望見懸崖間有

物似棺令人視之果棺也骸骨存焉傍有石志云
三百年後水漂我將及長江垂欲墜欲隨不隨遇

王果視之愴然因飲新灘州東二十里二蘇先生詩見詠題

馬肝峽州東二十里峭壁如馬肝狀獅子岩在馬肝峽邊傍

清冷溪接入蜀記獅子泉冷自岩中出溪上

崆峒峽州東三十里夏秋水泛必崆峒乃可上其灘亦名空餘白州至長陽四百里內峽水奔流

石蹟險惡三硃灘東漂灘

屈溪驛州東一百里額洞

狼尾灘水經江水逕狼尾而歷人灘袁曰二灘相去二里人灘水峻峭南岸有青石夏沒冬

出嶽峯數十步中悉作人面形戴分明者者鬚眉皆具

使君灘在夷陵州西一百一十里大江中水經云昔楊亮為益州刺史經此覆舟故名

虎頭灘

鹿角灘

三峽中惟此
數世最險

無義灘

在黃牛
廟下

黃牛山

驛前在川西九十里野黃牛功峭壁間有石
色如人牽牛狀人黑牛黃此山既高加以江

滿杆迴望之可見行者謠曰朝發黃
牛暮宿黃牛三朝三暮黃牛如故

黃陵廟

黃牛峽相傳神嘗佐禹治水有功蜀漢諸葛
亮建祠於土一名黃牛廟宋蘇軾詩江邊石

壁高無路上有黃牛不服箱廟前行客拜且鼎擊
鼓吹蕭層白羊山下耕牛苦曉哺兩角磨崖四蹄

肥青芻丰東長苦飢
仰看黃牛遊難及

查波灘

南沱

蝦蟆碚

在州西三十里江之南有石如蝦蟆其大數
丈石上出泉出蜀者必酌此水以淪茗陸羽

第水晶居第四宋黃度堅云從舟中望之頗項口
吻甚類蝦蟆尋泉源入洞中石氣清寒流泉出石

滑若虬龍吼陸游詩巴東峽
裏泉初峽天下泉中第一泉

扇子峽 石牌

石鼻山

在州西北三十里高五百餘仞下臨江流中有巨石橫六七十丈如綽筏因名石牌亦名

石鼻居周嘗白馬峽
移州至此

黃金藏

在州有寶軸秘函藏崖竇中宋陳唐訪故老謂產書皆金版出遺書之一得之以歸乃古

易傳其書但曰易無周
字經文與今經文絕異

西陵峽

在州西北二十五里峽長二
十里層崖萬仞三峽之一也峽口山

平嘉堤

在州西北二十五里蜀人出峽至此相慶故
名宋劉長源詩蜀江雲浪初平處楚國金城

欲盡頭蕭庭立詩山勢低隨
巫峽遠水流初放蜀江平

三游洞

在州西北二十五里唐白居易與弟行簡及元稹三人游此作三游洞記刻石壁上后人

因名宋蘇軾與弟轍及黃庭堅三人亦曾游焉載詩云凍雨靡靡半成雪游人後冷蒼苔滑不辭携

被巖底聽洞口雲叔夜無功

下牢關

劉封城

明月峽

在州西二十里懸崖間白石狀如月唐李白詩春水月峽來朱歐陽脩詩江上掛帆明月

峽

姜詩井

又名孝婦泉

至喜亭

在州南宋守朱慶基建宋歐陽脩記有云夷陵為州當峽口江出峽始漫為平流故舟人

至此者必漚酒拜賀以為更生尚書虞部郎中朱公再治是州之三月作至喜亭于江津以為舟者之留停也且誌夫天下之大險至此而始平夷以喜夫人之去憂患而就樂易詩所謂豈弟君子者矣

夷陵州

三峽通志卷之一

高安吳守忠編輯

詩

蜀道難

梁簡文帝

巫山七百里巴水二回曲
笛聲下復高猿啼斷還續

荆門浮舟望蜀

李白

春水月峽來浮舟望安極
正見苑花流依然錦江色

三峽

杜甫

三峽傳何處雙崖壯此門
入天猶石色穿水忽雲根
猿

三山記卷之二
獵鬚髯古蛟龍窟宅尊義和冬馭近愁畏日車翻
峽口大江間西南控百蠻城歎連粉堞岸斷更青山開
關當天險防隅一水閑亂離聞鼓角殊氣動衰顏
時清閑失險世亂戟如林去矣英雄事荒哉割據心蘆
花留客晚楓樹坐猿深疲薊煩親故諸侯數賜金

上三峽

李白

巫山峽青天巴水流若茲巴水或可盡青天無到時三
朝上黃牛三暮行大遲三朝又三暮不覺髮成絲

三峽

李頻

萬里西南水洑來，蒲峽流亂山無陸。踞行客在孤舟，洑
洑灘聲惡冥冥。樹色洑見爲三不吊，終白一生頭。

三峽

何景明

自昔偏安地，於今息戰侵。江穿巫峽隘，山鑿鬼門深。濁
浪魚龍黑，寒天日月陰。夜猿啼不盡，淒斷故鄉心。

自己東舟行經瞿唐登巫山最高峰晚還題壁

李白

江行幾千里，海月十五圓。始經瞿唐峽，遂步巫山巔。巫
山高不窮，巴國盡所歷。日邊攀重巖，霞外倚穹石。飛步

凌絕頂極目無纖烟却傾失丹壑仰觀臨青天青天若
可捫銀漢去安在望雲知蒼梧記水辯瀛海周游孤光
晚歷覽幽意多積雪照空谷悲風鳴森柯歸途行款曠
佳趣尚未歇江寒早啼猿松暝已吐月月色何悠悠清
猿響啾啾辭山不忍聽揮策還孤舟

早發白帝城

李白

朝辭白帝彩雲間千里江陵一日還兩岸猿聲啼不盡
扁舟已過萬重山

三峽

孫光憲

門前春水白蘋花岸上無人小艇斜
商女經過江欲暮
撒拋殘食飼神鴉

松滋望峽

劉禹錫

渡頭輕雨洒寒梅雲際溶溶雪水來
亭渚草長迷楚望
夷陵土黑有秦灰
巴人淚應猿聲落
蜀客船從鳥道迴
十二碧峰何處所
永安宮外有菱臺

大曆三年春白帝城放船出瞿唐峽
久居夔府將
適江陵漂泊有詩凡四十韻
杜甫

老向巴人裏
今辭楚塞隅
入舟翻不樂
解纜獨長吁

轉深啼狖虛隨亂浴鳧石苔凌几杖空翠撲肌膚墨壘
排霜劍奔泉濺水珠杳冥藤上下濃淡樹榮枯神女峰
娟妙昭君宅有無曲畱明怨惜夢盡失歡娛擺闔盤渦
沸款斜激浪輸風雷纏地脉冰雪曜天衢鹿角真超險
狼頭如跋胡惡灘亭變色高卧負微軀書史全傾挽裝
囊半壓濡生涯臨臬兀死地脫斯須不有平川決焉知
衆壑趨乾坤靈漲海雨靈洗春燕鷗鳥牽絲颺龍漚
錦紆落霞沉綠綺殘月壞金樞泥笋苞初荻沙茸出小
蒲馬兒爭水馬無子逐牆烏絕島容煙霧環州納脫哺

前聞辨陶牧轉巧拂宜都縣郭南畿好津亭北望孤榮
心依憇息朝詠劃昭蘇意遣樂還笑衰迷賢與愚飄飄
將素髮泯沒聽洪鍾丘壑曾忘返文章敢自誣此生遭
聖代誰分哭窮途卧疾淹爲客蒙恩早厠儒廷爭酬造
化撲直乞江湖滄海險相迫滄海深可逾浮名尋已已
頗計却區區喜近天皇寺先披古畫圖應經帝子渚同
泣舜蒼梧朝士兼戎服君王按湛盧旄頭初傲擾鵲首
麗泥塗甲卒身雖貴書生道固殊出塵皆野鶴歷塊匪
轅駒伊呂終難降韓彭不易呼五雲高太甲六月曠棹

扶四首黎元病爭推將帥誅山林託疲薶未必免崎嶇

最能行

杜甫

峽中丈夫絕輕死少在公門多在水富豪有錢駕大舸
貧窮取給行艤子小兒學問止論語大兒結束隨商旅
歎帆側施入波濤撇漩湍漬無險阻朝發白帝暮江陵
頃來目擊信有徵瞿塘漫天虎鬚怒歸州長年與最能
此鄉之人氣量窄悞競南風踈北客若道士無英雄才
何得山有屈原宅

三峽通志卷之一

高安吳守忠編輯

賦

江賦節文

郭璞

咨五才之並用寔水德之靈長惟岷山之尊江初發源
乎濫觴聿經始於洛沫攬萬川乎已梁衝巫峽以迅激
躋江津而起漲極洪量而海運快滔天以淼茫稔枯澤
泗蕪包淮湘并吞沅澧汲引沮漳源二分於岷嶺流九
派乎潯陽鼓洪濤於赤岸淪餘波乎柴桑網絡群流商

推消滄表神委於江都混流宗而東會注五湖以漫漭
灌三江而瀚沛漉汗六州之域經營炎景之外所以作
限於華裔壯天地之險介呼吸萬里吐納靈潮自然往
復或夕或朗激逸勢以前乃鼓怒而作濤我崑崙為泉
陽之揭玉壘作東別之標衡霍磊落以連鎮壓廬鬼窟
而北嶠協靈通氣瀆薄相陶流風蒸雷騰虹攝霄出信
陽而長邁滌大壑與沃焦若乃巴東之峽夏后疏鑿絕
岸萬丈壁立赧駭虎牙嵒豎以屹萃荆門闕竦而磐薄
圓淵九回以懸騰湔流雷响而電激駭浪暴灑驚波飛

薄迅渡增洸湍湍叠躍砵巖鼓作瀾濤衆潯潯湫湫
潰濩洩滂湟湟決滌澗澗淪淪滌滌滌滌滌滌
滅濫消龍鱗結絡碧沙遺沍而往來巨石砢砢以前却
潛演之所汨湫奔潘之所礪錯厓隙為之泐崿崎嶇領為
之崿崿幽澗積岨畧砢砢確

記

入蜀記

陸游

六日過荆門十二碛皆高崖絕壁巖突兀則峽中之
嶮可知矣過碛望五龍及鷄籠山甚義正如夏雲之奇

峽荆門者當以險固得名砮上有石穴正方高可通人俗謂之荆門則妄也晚至峽州泊至喜亭峽門在唐為硤州後改為峽而印文則為陝州元豐中郎官何洵直建言峽與陝相亂請改鑄印文從山事下少府監而監丞歐陽發言湖北之陝州後阜從夾夾從兩入陝西之陝州從阜從夾夾從兩入偏旁不同本不相亂恐四方謂少府監官皆不識字當時朝士之議皆是發而卒從洵直言改鑄云至喜亭記歐陽公撰黃魯直書七日見知州葉安行以小舟游西山井泉寺竹橋石磴甚有幽趣有靜練洗

心二亭下臨江山頗踈豁法堂之右小徑數十步至孝
婦泉謂姜詩妻龐氏也泉上有龐氏祠然歐陽公不以
為信故其詩叢祠已廢姜祠在事迹難尋楚語訛又此
篇首章江上孤峰蔽綠蘿初謂孤峰蒙藤蘿耳及至此
乃知山下為綠蘿谿也又至漢景帝廟及東山寺景帝
不知何以有廟於此歐陽公為令時有祈雨文在廟中
東山寺亦見歐陽公詩距望京門五里寺外一亭臨小
池有山如屏環之頗佳晚群集於楚塞樓遍歷兩雅臺
錦障亭亭前海棠二本亦百羊物爾雅臺者圖經以為

郭景純作爾雅於此越八日乃過下牢關夾江見千峯
萬嶂有競起者獨拔者有崩欲墜者有危欲墜者有橫
裂者有直坼者有凸者有窪者有鑄者奇怪不可盡狀
初冬草木皆青蒼不彫西望重山如闕江出其間則所
謂下牢谿歐陽公有詩入峽水漸曲轉灘山更多即此
也登三游洞躡石二里其嶮處不可著脚洞大如三間
屋有一穴通人過然陰黑峻嶮繚山腹偃僂自岩下至
洞前差可行然下臨溪潭石壁十餘丈水聲恐人又一
穴後有壁可居鍾乳歲久垂地若柱正當穴門上有刻

云黃友臨弟庭堅同辛紱子大方紹聖二年三月辛亥
來游旁石壁上刻云景祐四年七月十日夷陵歐陽求
叔下缺一字又云判官丁下又缺數字丁者寶臣也字
元珎今丁字下二字亦弟可見殊不類元珎字又永叔
但曰夷陵不稱令洞外溪上又有一崩石偃仆刻云黃
庭堅弟叔向子相姪徹同道人唐履來游觀辛亥舊題
如夢中事也建中靖國元年二月庚寅按魯直初謫黔
南以紹聖三年過此歲在乙亥今云辛亥者誤也泊石
牌峽石穴中有石宛如老翁持魚竿狀九日過扇子峽

重山相掩正如屏風蔚疑以此得名登蝦蟆碚水晶所
載第四泉是也蝦蟆在山麓臨江頭鼻吻喉絕類而背
脊胞處尤逼真造物之巧有如此者自背上深入得一
洞穴石色綠澗泉泠泠有聲自洞出垂蝦蟆口鼻間成
水簾入江是日極寒岩嶺有積雪而洞中溫然如春碚
洞相對稍西有一峰孤起侵雲者天柱峯自此山勢稍
平然江岸皆大石堆積彌望渠上狀晚次黃牛

廟山復高峻村人來賣茶茶如柴枝草葉苦不可口廟
靈感神封嘉應保安侯皆紹興以來制書也其下即無

義灘亂石塞中派望之可畏然舟過乃不甚覺蓋操舟
之妙也傳云神佐夏禹治水有功故食于此門左右立
小石馬廟後叢木似冬青而非葉有黑文類符籙然葉
各不同歐詩刻石廟中又有張文忠一贊其詞壯哉黃
牛有大神力輦聚巨石百千萬億劒戟齒牙礮礮江側
望激波濤險不可測威脇舟人駭怖失色到羊醜酒千
載廟食張意似謂神聚石壘沉以勸人求祭饗蓋過論
也夜舟人來告請無擊更鼓云廟後山中多虎聞鼓則
出十日早過鹿角虎頭史君請灘水縮已二之二然端

險猶可畏泊城下歸州秭歸縣界也與兒嘗黃沙上回
望正見黃牛峽廟後山如屏風疊巖我揀天第四疊上
有若牛狀其色赤黃前有一人如著帽立者昨日及今
早雲冒山頂至是始見之因至白沙市慈濟院見主僧
志堅問地名城下之由答云院後有楚故城今尚在因
相與訪之城在一岡阜上甚小南北有門前臨江水對
黃牛峽城西北一山蜿蜒回抱山上有伍子胥廟大抵
自荆以西子胥廟至多城下多奇石如靈壁湖口之類
十一日過達洞灘灘惡乃陸行過際多奇石五色粲然

可愛亦或有文成物象及符書者猶見黃牛峽廟後山
太白詩三朝上黃牛三暮行太遲三朝又三暮不覺髮
成絲歐陽公朝朝暮暮見黃牛徒使行人過此愁山高
更遠望猶見不是黃牛滯客舟蓋諺謂朝見黃牛暮見
黃牛一朝一幕黃牛如故故二公皆及之歐陽公自荆
渚赴夷陵而有下牢三游及蝦蟆碚黃牛廟詩者蓋在
官時來游也晚泊馬肝峽口兩山對立脩聳摩天畧如
廬山江岸多石頗礙牽百丈十二日過東濡灘入馬肝
峽石壁高絕處有石下垂如肝故以名峽其傍有獅子

岩岩中有一小石蹲踞張頤碧草被之如青獅子泉冷
冷自岩中出溪上又有一峯孤起秀麗畧如小孤舟晚
抵新灘十三日舟上新灘南岸曰官漕平北曰龍門龍
門水湍急多暗石官漕差可行故舟率由南上然石多
銳易穿船故為峽中最險處必空舟乃利往舟人利重
載鮮不及也游江瀆壯廟廟正臨龍門下溫泉出石隙
常不涸一村賴之婦人負木盞汲盞長二尺三足以杓
挹水即倒坐旁石束盞於背而去大抵峽中多役婦負
物不獨水也有負酒沽如負水狀呼買之長跪以獻未

嫁者率戴高二尺同心髻挿銀釵多至六後挿牙梳如
手大十四日留驛中晚渡江南登山至江濱南廟有碑
前進士曾華旦撰言因山崩石壅為舟害於是著令自
十月至二月禁行舟知歸州趙誠聞于朝禁行舟䟽鑿
之而灘害始去皇祐三年也蓋江絕於天聖中至是而
復通然灘害至今未悉去若乘冬春間水落石出時可
併力盡鑿去銳石則灘害可除然灘上居民皆利於敗
舟賤賣板木及滯留貨賣或賂石工以為石不可去須
斷以必行乃可成又舟之所以敗皆失於重載當以大

字刻石置驛前則過者必自懲創矣十五日過白狗峽

泊舟興山口肩輿游玉虛洞去江岸五里許隔一溪所謂香溪也源出昭君村水味色碧如黛已登載水晶過溪又至魚洞門小纔袤丈既入則可容數百人宏敞壯麗如入大宮殿中有石成幢蓋幡旗芝草竹笋仙人龍虎鳥獸之屬千狀萬態莫不逼真其絕異者東石正圓如日西石半規如月予平生所見岩竇無及者有熙寧中謝師厚岑岩起題名又有陳堯咨所作記叙此洞本末云獵者得之山中十六日到歸州館於報恩光孝寺

距城一里許歸之為州纔三四百家負目牛山臨江前
即人鮪甕城中無尺寸土灘聲常如暴風雨至隔江有
楚王城亦山谷間然地比歸州差平或云楚始封於此
山海經夏啟封孟除於丹陽城郭璞注云在秭歸縣南
疑卽此也然史記成王封熊繹於丹陽裴駰乃云在枝
江縣未詳孰是十七日群集於望洋堂玩芳亭亦皆沙
石犖确之地十九日訪宋玉宅在秭歸縣之東今為酒
家舊有石刻宋玉宅三字近以郡人避太守家諱去之
可惜也二十日早離歸州出巫峽門過天慶觀少留觀

唐大寶元年碑載明皇夢老子事巴東太守劉瑫所立
字畫頗清逸碑側題當時郡官吏胥姓名字亦佳又有
周頤德中荆南判官孫光憲為知歸州高從讓所立碑
從讓蓋南平王家子弟光憲亦知名國史有事迹蓋五
代時歸峽皆隸荆渚也殿前有栢數百年物觀下即叱
灘亂石無數飯于靈泉寺遂登舟過業灘亦名灘也水
漾舟輕俄頃遂過二十一日舟中望石門關僅通一人
行天下至險也晚泊巴東縣江山雄麗大勝秬歸但井
邑極蕭條邑中纔百餘戶自令廨而下皆茅茨謁寇萊

公祠堂登秋風亭臨江山遂登雙栢堂下舊有萊公所
植栢今已稿死然南山重複秀麗可愛白雲亭則天下
幽奇絕境群山環擁層出間見古木森然徃徃二三百
年物攔外雙瀑瀉石澗中跳珠濺玉冷入肌骨其下是
為慈溪奔流與江會予自吳入楚行五千餘里過十五
州亭榭之勝無如白雲者而正在縣廨廳事之後二十
二日發巴東山益奇怪有夫子洞者一竇在峭壁絕高
處人迹所不可至然髣髴若有欄楯不知所謂夫子者
何也過三分泉自山竇中出止兩派俗云三派有年兩

派中熱一派或絕流饑饉泊疲石二十三日過巫山凝
真觀謁妙用真人祠真人即世所謂巫山神女也祠正
對巫山峯巒上入霄漢山脚直挿江中議者謂太華衡
廬皆無此竒然十二峯不可悉見所見八九峯惟神女
峰最為纖麗竒峭宜為仙真所託祝史云每八月十五
夜月明時有絲竹之音往來峰頂上峰上猿皆鳴達旦
方漸止廟後山半有石壇平曠傳云夏禹見神女授符
書於此壇上觀十二峰宛如屏障是日天宇晴霽四顧
無纖翳惟神女峰上有白雲數片如鸞鶴翔舞徘徊久

之不散亦可異也。祠舊有烏數百，送迎客舟。自唐幽州刺史李貽詩已去，群烏幸昨餘矣。近乾道元年，忽不至。今絕無一烏，不知其故。泊清水洞，洞極深，後門自山後出，黥闇水流，其中鮮能入者。歲旱，祈雨頗應。二十四日早抵巫山縣，在峽中亦壯縣也。市井勝歸峽二郡。隔江南陵山極高大，有路如綫，盤屈至絕頂，謂之一百八盤。蓋施州正路，黃魯直詩「一百八盤」，僂手上至今歸夔，統羊腸即謂此也。縣解有故鐵盆，底銳似丰甕，狀極堅厚，銘在其中，蓋漢永平中物也。缺處鐵色光黑如佳漆字。

畫淳質可愛玩有石刻魯直作盆記大畧言建中靖國
元年予弟叔向自涪陵尉攝縣事予起戎州來寓縣僻
此盆舊以種蓮余洗滌乃見字云游楚故離宮俗謂之
細腰宮有一池皆當時宮中燕游之地今堙沒畧盡矣
三面皆巖山南望江山奇麗又有將軍墓東晉人也一
碑在墓後跌陷入地碑傾前歆歷字總半存二十六日
入瞿唐峽兩壁對聳上入霄漢其平如削成仰視天如
足練然水已落峽中平如油盎過聖姥泉蓋石上一鑄
人大呼於旁則泉出屢呼則屢出可怪也晚至瞿唐閣

唐故夔州與白帝城蓋言難辯也關西門正對滯瀕堆
碎石積成出水數十丈土人云方夏秋水漲時水又高
於此數十丈入謁白帝廟氣象甚古法拓存造百年物
有數碑皆孟蜀時立庭中石筍有黃魯直建中靖國元
年題字又有越公堂隋楊素所創少陵為賦詩者已毀
近所築亦宏壯自關而東即東屯少陵故居也二十七
日早至夔州州在山麓沙上所謂魚腹永安宮也今為
州倉而州治在宮西北其夫人墓西南景德中轉運使
丁謂薛顏所徙比白帝頗平曠然失關險無復形勢在
壤之西故一曰壤西土人謂山間之流通江者曰壤西

州東南有八陣磧孔明之遺迹碎石行列如引繩每歲
江漲磧上水數十丈比退陣石如故

吳船錄

鮑成大

余前年入蜀以重午至夔魚腹方漲八陣在水中今采
水更過之六十四絕不復得見頗有遺恨峽江水性大
惡飲輒生瘰婦人尤多前過此時婢子輩汲江而飲數
日後發熱一再宿項頸腫起十餘人悉然至四川月餘
方漸消散丙辰泊夔州早遣視瞿塘水僅能漫灑灑之
項盤渦散出其上謂之灑灑灑人云如馬尚不可下

況微髮那是夜水忽漲漲湍及排亭及明走視灩澦則
已在五丈以下或可以僥倖入峽而夔人猶難之丁巳
水漲未已遂決解維十五里至瞿塘口水平如席獨灩
澦之頂猶渦紋淺薄舟拂其上以過搖櫓者皆汗手死
心面無人色蓋天下至險之地行路極危之時旁觀者
皆神驚余已在舟中一切付之自然不暇問擾胡床坐
招頭處任其盪兀每一舟入峽數里後舟方續發水勢
怒急恐猝相遇不可解拆也師司遣卒執一旗次第立
山之上下一舟平安則簸旗以招後船舊圖云灩澦大

如瞿塘不可觸灩澦大如馬瞿塘不可下此俗傳灩
澦大如象瞿塘不可上蓋非是也後人立石辨之甚詳
峽中兩岸高岩峻壁斧鑿之痕皴皴然而黑石灘最蹇
險惡兩山東江驟起水勢不能平余來此水勢適平俗
所謂茶槽者又水大漲滄沒草木謂之青草齊則諸灘
之上水寬少浪可以犯之余之來此水未能盡漫草木
但名草根齊亦不可涉然犯難而行不可回首也十五
里至大溪口水稍濶亦差遠變峽之險也七十里至巫
山縣宿縣人云昨日水大漲灩澦恰在船底故可下焚

峽巫峽則不能却湏水退十丈乃可是夕水驟退數丈
同行者皆有喜色戊午乘水退下巫峽灘瀧稠陰湍流
洄洑其危又過夔峽三十五里至神女廟廟前灘尤洶
怒十二峰俱在北岸前後映帶不能足其數十二峰皆
有名不甚切事不足錄所謂陽臺高唐觀人云在來鶴
峰上亦未必是神女之事據宋玉詞本以諷襄王後世
不察一切以兒女褻之今廟中石刻引墉城記瑤姬封
妙用真人廟額曰凝真觀廟有馴鴉客舟將來則逐數
里外船過亦送數里土人謂之神鴉二十里至東奔灘

高浪大渦巨觚掀舞不當一葉或為渦所使如磨之旋
三老挽招竿叫呼力爭以出渦二十里過歸州已東縣
九十里至歸州未至州數里曰叱灘其險又過東奔連
接新城下大灘曰人鮓甕己未泊歸州八月戊辰朔發
歸州五里至白狗灘三十里至新灘此灘惡名豪三峽
八十里至黃牛峽上有洛川廟黃牛之神也亦云助禹
所疏川者廟在大峯峻壁之上有黃跡如牛一黑跡如
人牽之云此其神也順流而下黃牛峽盡則扇子峽過
此則峽中灘盡矣三十里得南岸平地曰平善埧出峽

舟至是皆相慶如更生舟師篙工皆有犒賜己已發平
善埧三十里至峽州

峽紀行

熊相

正德丙子秋九月予奉命之蜀道夷陵歸州巴東巫
山以抵于夔歷驛鳳棲黃牛屈溪建平巴山萬流高唐
逶迤四百餘里水急如射挽舟上者日不一舍下者頃
刻數程中間若十二背向陽背夜又背兩崖俱滑石而
浪尤洶湧不可楫以緯匪篙即人背之故曰背也又曰
與舟相背也有曰峽者狹也又曰山夾水曰峽蓋水行

山間隨山以曲折在古統謂之西峽黃牛巫峽而已今
則岐之為荆棺石碑馬肝兵書門扇彈穿扁擔黑石風
廟黃牽鐵鎖之類仰視之懸厓絕壁萬仞千尋如覆屋
如峻削如斷截如連繹如丰甕凹如駝峯凸如粲粲如
色斯黝如土如練如草木葱蔥如鹿豕濯濯如猿猴之
聲慘如藤蘿倒浸蟄竇飛泉左環右抱如出無門間有
鳥道緯者萬盤日午方見而天之多斯昭昭然孰曰杜
宇所鑿是皆成於混沌俯視之深潭莫極瀦瀦流沙溶
溶滾滾如釜之水如冶之金如珠之濺如花之蕊小而

洞波大而盤渦如洞窈然如硤研然如風之旋油然隨
閑隨闔舟遭之者鮮有出焉俗謂荆棺兵書風廟皆古
人遺蹟予不敢信其他卽物以狀因數以稱者固有謂
也又有曰灘灘從水從難蓋水之難行者深淺不一轉
徙無方若若恢石鋒利矛交平者鋪彈險者截江奇者
可愛惡者可憚所謂鐵積劍排狼頭鹿角纍纍然牛馬
飲於河者不足以模倣萬一水波摩激日夜不停激深
雷吼涓涓金鳴花噴若雪沙滾若奔騰之近岸而夕敗
船曰喜曰登曰清曰葉曰偏滯猪圈馬鞍無義大小蛇

翁棟通靈鋸齒石門斗口青溪蓮花三灘茲其大者也
予過之舟行則畏途步無從乃嘆曰蜀道之難信矣若
南沱過龍沱平善鳥稍壩山斗坪枹木源流稍緩而可
泊南津香溪口東西讓口勢空濶而可游碑石稍公石
蝦蟆石灩澦石天工之妙不假人爲十二峯孤峭拔空
尤爲奇絕秭歸則屈原所生白帝則子美所戀魚腹沙
孔明之圖猶在黃陵廟大禹之功未磨乃若高唐觀陽
雲臺之雄樓上流凡山之蜿蜒峻嶒枹枹率偉慢張笋
筍蓋倚圭橫者憑闌間一日可盡固楚襄之所流連而

宋玉之所賦者也何景不可賞何古不可吊而以問為
哉

三峽通志卷之二

高安吳守忠編輯

黃岡盧國禎校次

雙峽

詩五言

八陣圖

杜甫

功蓋三分國名成八陣圖江流石不轉遺恨失吞吳

瞿唐峽

白居易

瞿唐天下險夜上信難哉岸似雙屏合天如匹練開

灩澦堆

見說瞿唐峽橫斜灩澦根難於尋鳥道險上過龍門

上白帝城

杜甫

城峻隨天壁樓高更女牆江流思夏后風至憶襄王老去聞悲角人扶報夕陽公孫初恃險躍馬意何長

曉望白帝城鹽山

徐步移斑杖看山仰白頭翠深開斷壁紅遠結飛樓日出清江望暄和散旅愁春城見松雪始擬進歸舟

秋峽

江濤萬古岫肺氣久衰翁不寢防已虜全生狎楚童衣
裳垂素髮門巷落丹楓常恠商山老兼存翊贊功

瞿唐懷古

西南萬壑注勍敵兩崖開地與山根裂江從月窟來削
成當白帝空曲隱陽臺跡鑿功雖美陶鈞力大哉

滌瀕堆

巨石水中央江寒出水長沉牛荅雲雨如馬戒舟航天
意存傾覆神功接混茫干戈連解纜行止憶垂堂

張祐

不遠夔州路層波灩澦連下來千里峽入去一條天樹
色秋帆上灘聲夜枕前何堪正危側百丈半山巔

何景明

霜落夔門樹寒江灩澦孤狂瀾須此障砥柱賴誰扶入
峽愁孤客當関用一夫何勞念西域千載固與圖

灩西入宅

杜甫

奔峭背赤甲斷崖當白鹽客居媿遷次春酒漸多添花
亞欲移竹鳥窺新卷簾衰年不敢恨勝槩欲相兼
亂後居難定春歸客未還水生魚腹浦雲暖麝香山半

頂梳頭白過眉柱杖理相看多使者一一問函關
宋玉歸州宅雲通白帝城吾人淹老病旅食豈才名峽
口風常急江流氣不平只應與兒子飄轉任浮生

暮春題灤西新賃草屋

久嗟三峽客再與莫春期百舌款無語繁花能幾時谷
虛雲氣薄波亂日華遲戰伐何由定哀傷不在茲
此郊千樹橘不見比封君養拙干戈際全生麋鹿群畏
人江北草旅食灤西雲萬里已渝曲三年實飽聞
絲雲陰復白錦樹曉來青身世雙蓬鬢乾坤一草亭哀

歌時自短醉舞為誰醒
細雨荷鉏立江頭吟翠屏
壯年學書劍他日委泥沙
事主非無祿浮生即有涯
高齋依藥餌絕域改春華
喪亂丹心破王臣未一家
歆陳濟世策已老尚書郎
不息豺虎閭空慚鵲鷺
行時危人事急風送羽毛
傷落日悲江漢中宵淚滿床

從灤西移居東北

白鹽危嶠北赤甲古城東
平地一川穩高山四面同
煙霜淒野日秔稻熟天風
人事傷蓬轉吾將守桂叢
東北復灤西一種住青溪
來往皆茅屋淹留為稻畦
市

喧宜近利林僻此無蹊若訪袁翁語須令勝客迷
道北逢都使高齋見一川子能渠細石吾亦沼清泉枕
帶還相似柴荆卽有烏斫禽應費日解纜不知年
牢落西江外參差北戶間久遊已子國卧病楚人山幽
獨移佳境清深隔遠關寒空見鷓鴣回首憶朝班

白帝懷古

陳子昂

日落滄江晚停橈問土風滅臨巴子國臺沒漢王宮荒
服仍周甸深山尚禹功岩懸青壁斷地險碧流通古木
生雲際歸帆出霧中川途去無限客思坐何窮

上白帝城

杜甫

江城合變態一上一回新
天歆今朝雨山歸萬古春
英雄餘事業衰邁久風塵
取醉他鄉客相逢故國人
兵戈猶擁蜀賦歎尚輸秦
不是煩形勝深慙畏損神

白帝空祠廟孤雲自往來
江山城宛轉棟宇客徘徊
勇略今何在當年亦壯哉
後人將酒肉虛殿日塵埃
谷鳥鳴還過林花落又開
多慙病無力騎馬入青苔

廣溪峽

楊炯

廣溪三峽首曠望兼川陸
山路遠羊腸江城鎮魚腹
喬

林百丈偃飛水千尋瀑驚浪迴高天盤渦轉深谷漢氏
昔云季中原爭逐鹿天下有英雄襄陽有龍伏常山禁
軍旅求安興版築池臺忍已傾邦家遽淪覆庸才若劉
禪忠佐爲心腹設險猶可存當無賈生哭

瞿唐峽

蘇軾

自昔懷清賞今茲得縱捋長江連楚蜀萬派瀉東南合
水來如電黔波綠似藍餘派細不數遠石競相參入峽
初無路連山忽似龍縈紆收浩渺蹙縮作湍瀾風過如
呼吸雲生似吐含墜崖鳴宰宰垂蔓綠穆穆冷翠歛崖

竹孤生有石楠飛泉飄亂雪恠石走驚驂絕澗知深淺
樵僮忽向三人煙偶逢郭沙岸可乘籃野戍兼州縣邦
君古子男放衙鳴晚鼓留客薦霜柑聞道黃精草叢生
綠玉簪盡應克食飲不見有彭聃氣候冬猶暖星河夜
半涵遺民悲和衍舊俗接魚蠶版屋漫無瓦巖居窄似
菴伐薪嘗冒險得水不盈甌嘆息生何陋劬勞不自憚
葉舟輕遠涉大浪固無諍矍鑠空相視嘔啞莫與談
兼安可駐幽迹信難婉獨愛孤棲鶻高超百尺嵐橫飛
應自得遠颺似無貪振翮遊霄漢無心顧雀鷁塵勞世

方病局束我何堪盡辭林泉好夢爲富貴醉試看飛鳥
樂高適此心甘

蘇轍

舟行瞿唐口兩耳風鳴號渺然長江水千里投一瓢峽
門石爲戶鬱怒水力驕扁舟落中流浩如一葉飄呼吸
信奔浪不復由長篙挾杙破瀟灑畏與亂石遭兩山蹙
相值望之不容舳漸近乃可入白鹽最雄高草木皆倒
生哀叫悲玄孫白雲綵長袖零露如飛毛緬懷澤水年
慘蹙病有充禹益決岷水屢與山鬼鏖摧崗轉大石破

地頭洪濤峽峽當道山斬截有尾銷峭壁下趾連危峰
斷脩腰破處不生草上不掛鳥巢水惟不盡幾下有龍
與鼇遼哉千萬年為死遺迹牢豈必見河洛開峽斯已
勞

七言

鐵柱

元不伐

白帝城邊春草生黃牛峽裏水波清
追思昭烈千年事常使英雄氣不平

兵書峽

劉丙

籌策三分出草廬
眼中吳魏昂中魚
英雄不盡當時用
一卷還番峽裏書

秋興

杜甫

瞿唐峽口曲江頭
萬里風煙接素秋
花萼夾城通御氣
芙蓉小苑入邊愁
珠簾繡柱圍黃鵠
錦纜牙樯起白鷗
迴首可憐歌舞地
秦中自古帝王州

魚腹江中

劉禹錫

扁舟盡室貧相逐
白髮藏冠鑷更加
遠水自滄終日綠
晴林長落過春花
客情浩蕩逢鄉語
詩意番連重物華

風樯好住貪程去斜日青帘背酒家

三峽堂

宋肇

林巒十里上巉巖飛檻初憑縹緲間
雙子風煙依白帝夜郎耕稼接烏蠻
砌橫亂石遙臨澗門對高峯近帶山
咫尺驚濤吁莫測每來登此念江關

張佳胤

艤舟下席楚雲生落日清霜白帝城
踏蹟難忘諸葛陣野田曾為杜林耕
休言天地終陳迹翻使江山借重名
事業文章看二子風流無限古今情

雙峽舟中

劉丙

春江隨處落烟波
冉冉其如老至何
有意青山供日久
無情白髮上頭多
圖緣八陣風雲在
國為三分歲月過
今古重勲須及早
休教汗簡咲蹉跎

峽中覽物

何景明

峽口風高猿夜號
孤舟燈火宿烟皋
草深廢井人家少
水落寒山雉堞高
自古金湯難恃險
當時版築豈知勞
永安亦在荒城裏
玉殿淒涼空野蒿

灤河堆

杜甫

灝瀕既沒孤根深西來水多愁大陰江天漠漠鳥雙去
風雨時時龍一吟舟人漁子欲回首估客胡商淚滿襟
寄語舟航惡手少休翻煎井橫黃金

赤甲山

卜居赤甲遷居新兩見巫山楚水春炙背可以獻天子
美芹由來知野人荊州鄭薛寄書近蜀客却岑非我隣
笑接卽中評事飲病後深酌道吾貞

西瀼溪

迢迢水出走長蛇懷抱江村在野牙一葉蘭舟龍洞府

數間茅屋野人家
冬來純綠松杉柳
春到間紅桃李花
山下青蓮遺故址
時時常有白雲遮

瞿唐天下險

周洪謨

兩崖壁立何險巖
把東大江如一絲
杜宇神功渺何許
堯時餘燼誰復知
中流澎湃實挺特
如牛如馬夏秋月
怒濤掀天萬壑雷
巨漩觸石千層雷
湯湯東去幾迴灣
虎頭狼尾如連環
赤甲下映虎鬚子
黃牛高抗鬼門關
憶昔英雄割據日
揀丁爲梯上絕壁
只今四海盡爲家
鎖江鐵柱存何益

負薪行

杜甫

夔州處女髮半華四十五十無夫家更遭喪亂嫁不售
一生抱恨堪咨嗟土風坐男使女立應當門戶女出入
十猶八九負薪歸賣薪得錢應供給至老雙鬟只垂頸
野花山葉銀釵並筋力登危集市門死生射利兼鹽井
面粧首飾誰啼痕地偏衣寒困石根若道巫山女麓醜
何得此有昭君村

歌

艷瀨歌

梁簡文帝

灩澦大如馬瞿唐不可下金沙浮轉多桂浦忌經過

庾子興

灩澦如牛木不通瞿唐水退爲庾公

竹枝

劉禹錫

瞿唐嘈嘈十二灘此中道路古來難長恨人心不如水
等閒平地起波瀾

詞

瞿唐感懷詞

魯璠

峽口瞿唐論形勝古今奇絕最險是孤根灩澦浪花飛

雪苔鎖崖碑難認字波濤底柱猶存鐵忽舟人指點玉臺
良梯橫三疊○扶劉事今磨滅吟秋興俱消歇空陣演
風雲詩傳羅月青瑣遊人魂欲斷黃金估客心休熱嘆
此時身價一閒萍輕于葉

賦

灩澦堆賦

蘇軾

世以瞿唐峽口灩澦爲天下之至險凡覆舟者皆歸咎
於此石以余觀之蓋有功於斯人者夫蜀江會百川而
至於夔瀾漫浩汗橫放於大野而峽之小大曾不及其

十一苟先無以齟齬於其間則江之遠來奔騰迅快盡
銳於瞿唐之口則其嶮悍可畏當不啻於今耳因為之
賦以待好事者試觀而思之

天下之至信者唯水而已江河之大與海之深而可以
意揣唯其不自為形而因物以賦形是故千變萬化而
有必然之理掀騰勃怒萬夫不敢前兮宛然聽命唯聖
人之所使予泊舟乎瞿唐之口而觀乎滯澦之崔嵬然
後知其所以開峽而不去者固有以也蜀江遠來兮浩
漫漫之平沙行千里而未嘗齟齬兮其意驕逞而不可

三山道志卷之三
推忽峽口之逼窅予納萬頃於一盃方其未知有峽也
而戰乎灩澦之下喧飀震掉盡力以與石間勃手若萬
騎之西來忽孤城之當道鉤援臨衝畢至於其下兮城
堅而不可取矢盡劒折兮逸還循城而東去於是滔滔
汨汨與入峽安行而不敢怒嗟夫物固有以安而生變
兮亦有以用危而來安待吾說而推之兮亦足以知物
理之固然

後灩澦賦

陸深

昔蘇公子瞻賦灩澦蓋曰江會百川勢易驕逞不先之

以齟齬盡其快銳為害斯大嗟乎是誠有之夫當國家
豐亨豫大之時必有風靡波蕩之俗使無正人法家出
氣力以捍之則末流有不可救者矣此公作賦之旨也
嘉靖丁酉二月初予將出峽舟過瞿唐春水未生孤根
欲露盤旋其下有感于心作後澗瀕賦

道叢見之故國沿岷汶之長源睇澗瀕之兀律繹先哲
之名言測安危之倚伏乃始疑而今信然昔伯禹之尊
江兮命陽侯為駟先挾六龍與二虬兮劈雷斧之神鉅
剝地脉而中兮挺孤高之一拳障彝彛之東驚孔回

萬折於瀾翻時盈縮以浮沉兮擁百川而獨尊或如衆
兮如馬舟人脫而不敢上下相遊者之汨汨兮固晝夜
之不舍惟上帝之默佑兮恒韓連於區中示機緘於錯
斛兮物有窮而必通倚宣父之威鱗兮既伐樹又絕糧
羌鄒孟之仁義兮竟見沮於臧倉胡賢聖之遑遑兮夫
豈茲堆之未汰冰遠而彌昌兮象下流而求賴抱遺經
而先覺兮反亂治於否泰顧大化之茫茫兮俟萬世於
須臾俯中流之一柱兮盡前鑒而蚤圖慨孔明之馳驅
兮磊砢乎八陣猶未磨草堂於滾水兮弔江上之東坡

予髮其白髮兮懼末路之蹉跎

記

新脩武侯祠堂記

王十朋

益與夔皆祠諸葛丞相並見於杜少陵詩錦官城外柏森森者益也卧龍無首對江濱者夔也夔故永安縣據三峽上流水有瞿唐滪瀨山有赤甲白益形勝險天下丞相昔與先主也兵講武控扼吳魏經營中原之所有八陣圖永安宮卧龍山遺跡在焉祀而廟食亘矣然祠在州之南隅地非夔嶺甚無喬木堂廡庫陋丹雘剥

記事弗嚴無異乎蚩蛇穿畫壁時僅免無首而以吁可
歎也前帥紫微舍人張公震聳立新祠於卧龍命緇徒
奉之而城中之祠未暇脩豈畱以有待耶乾道改元某
被命自番易變時方丐祠力甚俄一夕夢觀八陣豈亦
相精誠默有以告之耶十一月至邵首謁祠下誅之以
文曰丞相忠武蜀之伊呂高卧南陽悲吟梁甫草廬之
中三顧先主將漢是興非劉曷與君臣魚水蛟龍雲雨
才十曹丕志小竅宇假令毋死師一再舉吳魏可吞禮
樂可許寧使英雄墮淚今古將畧非長庸史之語因命

工葺之廟貌一新闢路植木榜其坊曰臥龍明年二月
辛卯告成帥同僚祀之嗚呼公之生也能使其君委國
託孤而不疑其沒也能使洶湧江流不轉千載之石然
遺像缺落未嘗一出禍福以驚動之益足以見其聰明
正直不顯其靈於土木偶以求人之敬畏殆非柳之羅
池比也今變之二祠相繼鼎新郡人四時香火牲牢酒
醴之奉有加而不怠盛德百世之祀益章可以洗江濱
異代之耻無媿乎錦官城矣於是乎書七月二十七日
永嘉王十朋記

夔州重葺三峽堂記

宋 肇

天下之險莫險於峽江峽江之險莫甚於瞿唐蓋兩川
回薄崎嶇萬里綿跨西南諸夷縶遠遐荒合牂牁越雋
夜郎烏蠻之水小大并吞南北向背始則就下爲汙流
溫成浸漸至於縈迂曲折逶迤澎湃其終也瀾漫浩瀚
掀騰胸湧咸歸于江之峽口者實水之會夫萬山對立
萬頃一注故至此而艱難齟齬傾危險側也余以元祐
八年五月持節本道同使張塾家父一日相與訪峽中
古跡而得舊鎖江亭於故城之南隅其巋然獨存者但

頽垣廢址而已因語夔守趙仲遠平父既廣昔構而又
易新名其曰三峡堂者西峽巫峽歸峽是也茲堂爲巴
東小游盡占江之勝然而一有登臨觀覽則景色雲物
逡巡而異是皆人情參差不齊故使悲歡憂樂所得未
嘗同也請試言其所以方其倚檻憑欄四顧遙眺長江
急雨飄風怒號奔走轉石萬壑雷動驚湍駭浪喧飀震
掉蛟鰐蜿蜒神恠叱咤若馬陵伏弩之射靡涓澁水決
壅之擊龍沮此西游不得意之客方且隕心喪魄失筋
停桎愕然而嘆也洎至瞬息之間一俯一仰雲煙變滅

山川發露草花纖濃炳若繪畫松石奇恠旁出雖見巫
峰高唐相像髣髴襄王恍然而若遇宋玉斐然而成賦
此西州行樂之士尚猶極目縱觀促席觀飲歡然而笑
也迨其灝瀕春深魚腹漲綠風雨晦冥龍吟其下白鹽
赤甲東屯西瀼斷崖奔峭安流逐浪遠近因依左右映
帶則坐中能詩之流莫不擁鼻拄頰聳肩側身浩然而
歌也又有沙岬石磧名灘古渡白帝武侯之遺跡永安
八陣之故處兼煙野草廢宮舊戍遠樹平蕪孤村別浦
牧童漁父棹歌千唱深林巨谷重巖複嶺懸猿舞鶴飛

鳴坐嘯則席上多感之子有至搔首撫膺掩袂沾裳泣
然而泣也客有訪余曰子作三峽堂記而有咲歌嘆泣
之說子胡不忘是四者而付之一醉彼醉者劉伶阮籍
之徒皆所以全其真而名後世者也子獨求異於數子
乎余曰有是哉余幸不從監河侯貸粟則吾將以大江
為飲凡雨雪之朝風月之夕所謂登臨觀覽行且無時
而不往也亦不復問其悲歡憂樂之所未一寓諸酒矣
尚庶幾有以自託於醅酹而厠跡鍾元二人之列也可矣客
曰唯唯

瞿唐峽記

王嘉言

峽者何取以山夾水而為名也楚蜀之交以峽稱者多矣而三峽為險三者何歸峽巫峽瞿唐峽三峽同稱險矣而瞿唐為最舊所謂西陵峽者是也峽在城東十二里兩崖對峙中貫大江蓋全蜀之門戶峽口石盤上樹鐵柱二根山畔巖穴中有鐵索七條柱高六尺四寸索長二百七十七丈五尺蓋昔人置以截江者柱於夏秋水泛則汨冬春復見嗚呼奇哉夫瞿唐之險冠於諸峽者何蓋西南萬水總注於斯而雙崖把束極為阨隘以

故滌泗曲折齟齬艱難驚濤奔浪喧飀旬旬歸舸行無
一遭風動則上下失勢而此虫安危盡付之掀漩觸石
瞬息間矣雖然關門一守百二之勢也

明初以湯廖兩將軍絕人之智力席

皇祖之神威師簿閱下矢石一交而即却非穎國階文之
捷水陸夾進以奇取勝亦難為力矣今天下熙熙氛沴
久消雄閑險峽雖依然索柱之存而山川勝槩祇為文
儒嘻眺浪吟之具而已嗟夫宗國之憂雖非漁繡者所
宜憂而處堂之樂達者亦恒嘆夫燕雀之愚然則防禦

之畧亦可於熙恬中講求之

重脩灤西草堂記

陳文燭

昔人謂杜子美夔州以後諸詩蓋最工云考先生自成
都下瞿塘浮湖望洛而寓于夔門其居三徙有灤東有
東屯而灤西尤著地多平曠田可水稻先生出峽即步
其主而所手書券宋元間得而珍之後日荒圯萬曆改
元夔守郭君斐訪遺址檄奉節令羅繡藻新祠事肖先
生像太守能文章有記述而又請余碑焉余奉

天子璽書宣教化例得旌揚古今忠義之士徘徊祠下不

覺泫然也憶先生獻賦時玄宗大奇之命宰相試其文
拜左拾遺乃高自稱道先世以來多以文顯若薄楊雄
枚臯不為者其矜誕一時有祖審言之風會祿山亂天
子入蜀避走三川肅宗立往救房琯至不省錄巖武節
度劔南復依烏表為叅謀檢校工部員外郎先生久于
夔及茲堂之建其時有足悲者而史稱先生挺節不污
所為詩歌善陳時事千彙萬狀兼而有之忠君憂國每
飯不忘當時藉念氏高其文章光焰至長萬丈也真知
言矣語曰生無一日歡死有萬世名先生之誦乎先生

襄陽人與孟浩然友善襄陽舊有孟亭不存而岷山祠

先生者亦荒今漢西更新比于同谷浣花可謂無闕世

教哉余為迎送神曲使歌以祀其詞曰

昔飄零兮流寓
嘆遷次兮朝暮

側身米子參差其舊路○起○三年飽兮堪窮下
芳者姓尚轉蓬兮山靈其可護○送

諸葛武侯廟碑銘并序

裴度

度嘗讀舊史詳求往哲或秉事君之節無開國之才得
立身之道無治人之術四者備矣兼而行之則蜀丞相
諸葛公其人也公本系在簡策大名並天地不復以云
當漢祚衰陵人心競逐取威定霸者求賢如不及藏器

在身者擇主而後動是時也躬耕南陽自比管樂夙未
從虎時稱臥龍詩曰潛雖伏矣亦孔之昭故州平心與
元直神交洎乎三顧而許以馳驅一言而定其機務繇
是翼扶劉氏續承舊服結吳抗魏擁蜀稱漢刑政達於
荒外道化行乎域中誰謂阻深殷為強國誰謂寢脆勵
為勁兵則知地無常形人無常性自我而作若金在鎔
故九州之地魏有其七我無其一由僻陋而啓雄圖出
封疆以延大猷財用足而不曰浚我以生干戈動而不
曰殘人以逞其威定南方也不以力制而取其心服震

疊諸憂也。不敢角其勝負而止。候其存亡。法之于人也。雖死。機而無忌德。及於人也。雖棄。棄而見思。以所謂精義入神。自誠而明者矣。若其人存。其政舉。則四海可平。五服可傾。而陳壽之評。未極其能事。崔浩之說。又詰其成功。此皆以變詐之畧。論節制之師。以進取之方。語成化之道。不其謬歟。夫委棄荊州。不能遂有三郡。此乃務增德。以吞宇宙。不黠武。以事尋常。及出斜谷。據武功。分兵屯田。為久駐之計。與敵對壘。待可勝之期。雜乎居人。如適虛邑。彼則喪氣。我方養威。若天假之年。則繼大漢之

祚承先主之志不難矣且權傾一國聲震八紘而上下
無異詞始終無愧色苟非運應五百道冠生知蜀以臻
於此乎故玄德知人之明者倚仗曰魚之有水仲達奸
人之雄者嗟稱曰天下奇才度每迹其行事度其遠心
頭奮短札以排其群議而文字雖鄙志願未果元和二
年冬十月聖上以西南奧區寢亂餘烈罷屯未息汚俗
未清輟我股肱為之父母乃詔相國臨淮公由秉鈞之
重承推轂之寄戎軒乃隆藩服萬里將明帝德陬落綏
懷溥暢仁風閭閻滋殖府中無留事宇下無棄材人知

嚮方我有餘地則諸葛公在漢之治與相國當今之政
異代而同符矣度謬以庸薄獲參管記隨旌旗而爰止
望祠宇而脩謁有儀可象以赫厥靈雖微烈不忘而碑
表未立古者或拳拳一善或師長一域尚流斯文以示
來裔况如仁之嘆終古不絕其可闕乎方刻斯石庶此
都之人存必拜之感云爾銘曰

昔在先主思啓疆宇擾攘靡依英雄無輔爰得武侯先
定蜀土道德城池禮義干櫓煦物如春化人如神勞而
不怨用之有倫柔服蠻落鋪敦溫濟攝足畏服雜居懷

仁中原肝食不測不克以待可勝允茲其極天未悔禍
公命不果漢祚其亡將星中墜反旗鳴鼓猶走司馬死
而可作當小天下尚父作周阿衡佐商垂齊管晏總漢
蕭張易代而生易地而理遭遇豐約亦皆然矣嗚呼奇
謀奮發中起美志天邊吁嗟嚴立咸受謫罰聞之痛之
或泣或訕其棠勿剪駢邑斯奪繇是而言殊途共轍本
於忠恕孰不咸悅苟非誠懇徒云固結古柏森森道廟
沉沉不殄裡祀以迄于今靡不駿奔若有照臨蜀國之
風蜀人之心錦江清波玉壘峻峯入海際天如公德音